

S **LO**
Afl. 1.25

BRIYANDO FUERTE • TRECIENDO CLARIDAD
DIABIERNA 2 AUGUSTUS 2024

Di Pueblo

**SHETE FORMA DI
GASLIGHTING CU
SEGURAMENTE BO
A IGNORA**



WWW.SOLODIPUEBLO.COM



SOLODIPUEBLO@GMAIL.COM



“MI NO A PAPIA CU SEÑOR OTMAR ODUBER

Y ningun hende den MEP tin
mandato pa papia cu cu ne pa subi
lista di MEP”

ACCIDENTE NA NOORD A LAGA 2 PERSONA HERIDA



INICIATIVA PA CAMBIO DEN ORARIO DI TRABOU NA ARUBA



Awo cu 2 florin mas, bo por gana e **MEGA PLUS**

*Afl.

650.000,-

*Afl. 450.000,- + Afl. 200.000,-
extra



HUNGA AWO



Benta ta sera 7:30 pm y sorteo ta hunga 7:45 pm

Minister Ursell Arends:

CAMBIO DI MANEHO DEN TRANSPORTE PUBLICO: MONOPOLIO RIBA TRASPASO DI PERMISO A KEDA ELIMINA

Cada ciudadano mester tin e oportunidad igual pa yega na remarke pa haci uzo di un permiso di transporte publico. E realidad ta diferente.

Tin cantidadnan maximo pa cada tipo di permiso di transporte publico (autobus, taxi, tour, ongergeld, verhuur). Si nos tuma e sector di taxi como ehempel, actualmente tin un maximo di 465 permiso pa otorga. Practicamente tur ta otorga, algun pendiente nan prolongacion. Mientrastanto, hopi taxista, ora nan no kier of por core

taxi mas, ta pidi pa traspasa e permiso cu nan ta haci uzo di dje pa un persona di nan escogencia.

Segun ley, Minister di Transporte por aproba un traspaso na un “lid van het gezin” di e taxista. Den pasado traspasonan a tuma luga na personanan cu no ta un “lid van het gezin” di e taxista. E posibilidad di traspaso tambe a wordo maluz a bende permiso, cual no ta permiti. E posibilidad di traspaso a crea e situacion cu hopi di e permisonan cu ya ta limita, no ta yega bek cerca

Gobierno pa otorga na otro ciudadano cu a haci peticion pa un permiso. Asina de facto a crea un ‘closed system’ caminda permisonan, cu ta patrimonio di pueblo, ta keda den famianan of ta bay na un persona di escogencia di un taxista, y den cierto caso ta wordo bendi ilegalmente.

Na september 2022 Minister Arends a revoca e maneho di ex-Minister Romero, y a introduci un maneho mas stricto. Awo a yega na e siguiente paso, cual ta pa para cu traspaso di permiso, promoviendo oportunidad



igual pa ciudadanonan cu kier yega na remarke pa haci uso di un permiso.

E maneho nobo, cu a wordo publica riba Publico.aw, ta encera cu desde 1 di september 2024 no lo aproba peticion di traspaso di permiso di transporte publico. Peticionnan haci prome cu 1 di September

2024 lo wordo trata conforme e maneho vigente di 26 di september 2022, tambe obtenibel riba Publico.aw. Desde 1 di september 2024, e maneho di 26 di september 2022 ta keda revoca y no lo tin mas traspaso di permiso.

Minister Ursell Arends:

AUMENTO DI CANTIDAD DI ASIENTO PA TAXI: REGULACION NOBO ANUNCIA

Ministerio di Transporte, Integridad, Naturalesa, y Adulto Mayor ta anuncia un decreto ministerial nobo riba e cantidad maximo di asiento pa taxistanan. E decision aki ta atende cu e necesidad creciente di taxi cu tin capacidad mas grandi. Particularmente pa grupo familiar y turista cu kier biaha hunto. Un decision cu a wordo tuma cu participacion di representantenan di e industria.

Puntonan Importante:
1. Aumento di Cantidad di Asiento:
o E capacidad

permisibel di asiento den vehiculo di taxi a aumenta di 5 pa 7 asiento, sin conta e stul di chauffeur. E cambio aki ta drenta na vigor inmediatamente despues di firma di e decreto ministerial.

2. Periodo di Transicion:

o Operadornan di taxi cu vehiculo cu actualmente tin mas ku 7 asiento (sin conta e stul di chauffeur) mester adapta nan vehiculo pa e regulacion nobo pa un maximo di 7 asiento pa dia 30 di September 2024.

3. Reglamento y

Sancion:
o Departamento di Transporte Publico lo controla e cumplimiento cu e regulacion nobo di asiento. E medida di control lo cuminsa dia 1 di october 2024, cu siguiente sancionnan:

.Prome violacion: Suspension temporario di e licencia di taxi pa 30 dia.
.Di dos violacion: Suspension temporario di e licencia di taxi pa 90 dia.
.Di tres violacion: Revocacion permanente di e licencia di taxi.
.Consideracion pa Pasahero

Durante Control:
o Durante control di cumplimiento, si descubri cu e vehiculo di taxi tin mas cu 7 asiento pa pasahero y tin pasaheronan den vehiculo, e chauffeur lo haya e oportunidad pa cumpli cu e pasahero prome.

E decision aki ta refleha e compromiso di Ministerio di Transporte pa adapta na e necesidadnan di e comunidad y pa mehora e eficiencia di e servicio di transporte publico. E regulacionnan nobo ta un paso fundamental pa alinea e practicanan di e industria



cu e espectativanan di e sector, y asina mehora e infraestructura di transporte publico den su totalidad. Ministerio di Transporte lo sigui monitor e efectividad di e cambionan pa garantiza e servicio di transporte. E maneho nobo por wordo encontra riba riba Publico.aw.

Gobierno di Aruba:

GOBIERNO DI ARUBA Y EMBASSY SUITES TA GANA CASO CONTRA ARUBA BIRDLIFE CONSERVATION DEN CASO DI EMBASSY SUITES Minister di Infraestructura a duna e 'aanlegvergunning' corectamente

Aña pasa 23 di juni 2023 a surgi un discusion entre Minister Ursell Arends y Aruba Birdlife Conservation contra Embassy Suites pa un beach cu e hotel kier a desaroya.

Embassy Suites a haya permiso di Minister di Infraestructura pa cu esaki y tabata pendiente di e 'ontheffing' di Minister di Naturalesa.

E discusion a termina den corte den cual corte den prome instancia a duna Aruba Birdlife Conservation rason y a destrui e 'aanlegvergunning'. Minister di Infraestructura a apela e caso basa riba interpretacion erroneo di e hues den prome instancia.

Diaranson 31 di juli 2024 Corte di Apelacion a duna Minister di Infraestructura rason y a dicidi cu e 'aanlegvergunning' duna pa desaroya e beach tabata corecto.



Awor cu e permiso ey a caduca, e hotel por haci un peticion di nobo, cu mester wordo trata segun e verdicto di Corte di Husticia. Cu esaki ta bin mas claridad den e interpretacion di e maneho di duna 'aanlegvergunning'.

Siguiente pasonan Embassy Suites lo mester haci un peticion di nobo pa e permiso pa desaroya e beach mirando cu esun den discusion a vence. Despues di obtene e permisionan, por desaroya e beach. Permisionan necesario ta e

'aanlegvergunning' di Minister di Infraestructura y un 'ontheffing' di Minister di Naturalesa. Pa loke ta e prome permiso, e verdicto aki ta duna e contesta: pues e mester wordo duna.



Ministro encarga cu Turismo y Salubridad Publico ta anuncia cu entrante **5 augustus 2024** durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53**, di un peticion cu a ser haci pa obtene un slijtvergunning pa e parcela **Savaneta 281-A**. E permiso aki ta concerni e.o. benta di bebida sterki y zwak por detal y pa consumo unicamente otro caminda cu den e parcela. Durante dicho periodo aki tur hende por expresa por escrito nan obhecion contra dunamento di e permiso menciona, dirigi na e Ministro encarga cu Turismo y Salubridad Publico, via intermediacion di Director di Departamento di Legislacion y Asunto Huridico, **Schotlandstraat 53**.

Clasificados



SOLODIPUEBLO@GMAIL.COM
CEL. 585 9500



Partido MEP:

Lider di MEP Evelyn Wever-Croes:

“MI NO A PAPIA CU SEÑOR OTMAR ODUBER

Y ningun hende den MEP tin mandato pa papia cu cu ne pa subi lista di MEP”

Ultimamente Partido MEP ta hayando hopi reaccion di tanto sostenedonan di nos Partido y medionan di comunicacion si ta berdad cu Lider di MEP Evelyn Wever-Croes of integrantenan di Partido MEP lo a sinta cu señor Otmar Oduber. For di un entrevista recien, hopi hende lo a comprende cu señor Oduber lo a vocifera cu hendenan yega na partido MEP lo a reuni

cu ne pa discuti pa traha hunto den Partido MEP.

Lider di MEP durante e conferencia di prensa di Gobierno di Aruba diaranson 31 di juli, a haya e pregunta aki for di un miembro di prensa kende a puntra si Otmar lo a acerca Lider di MEP of Partido MEP. Lider di MEP a enfatisa cu e no tin motibo ni intencion pa acerca señor Oduber tampoco pa

papia cu ne.

“Partido MEP tin suficiente candidato bon prepara riba lista y un lista largo di candidato nobo cu kier subi lista y cuminsa nan carera politico cu partido Movimiento Electoral di Pueblo. Mi no a papia cu Señor Otmar Oduber riba e tema aki, mi no tin motibo pa hacie y lo mi no hacie tampoco. Y absolutamente ningun hende den MEP



tin mandato pa papia cu lista di MEP”.
Otmar Oduber pa subi

MINISTER ENDY CROES TA DESEA SHAKEENA CROES HOPI EXITO DEN E CAMPEONATO 2024 DI SOFTBALL FASTPITCH NA CORSOU

: Minister Endy Croes a ricibi bishita di e softbalista talentoso Shakeena Croes hunto cu su kerida mama Sra. Suzy Croes y famia. Durante e encuentro ameno, e atleta elite di softball a comparti e grato noticia cu e ta saliendo den luna di augustus pa hunga den e Campeonato 2024 di Softball AA Fastpitch femenino na Corsou. Recientemente, Shakeena a firma oficialmente cu S.B.T Fenix Softball Team.

Na un edad jong Shakeena a hunga cu Seleccion Femenino di Aruba.

Na aña 2012, el a hunga cu Seleccion di Aruba na Bahamas den e campeonato ECASC, unda cu Pais Aruba a titula campeon. Tambe el a participa den e torneo di Sur America: CONSURSA. Algun aña pasa, e hoben atleta bay Hulanda, unda el a wordo selecta pa hunga cu Seleccion di

Hulanda den A Status, pero lamentablemente den pleno entrenamiento el a kibra su enkel.

A tuma 3 aña pa e hoben atleta por a recupera di e lesion. El a pasa den varios operacion, tratamiento y terapia. Shakeena ta tumando tratamiento ainda, pero e ta cla pa ta bek den accion. Den nomber di Gobierno di Aruba, Minister Endy Croes a haci entrega di e



medaya di 4D na e hoben softbolista. Pa conclui, e mandatario di Deporte ta desea Shakeena tur clase di exito den su “comeback” y e campeonato na Corsou.

MINISTER ENDY CROES A TRATA DIFERENTE PUNTO DI INTERES CU XAVIER UNIVERSITY SCHOOL OF MEDICINE ARUBA



Minister Endy Croes a elabora riba e reunion cu e tabatin cu Xavier University School of Medicine Aruba. Manera ta conoci, Xavier University a inverti mas di 70 miyon US\$ Dollars den un facilidad educativo ultramoderno na Noord y ta brinda e estudio di Medical Doctor (MD) na e studiantenan internacional. Durante e encuentro, a trata algun tema di vital importancia pa e graduadonan cu a

haal nan MD diploma y ta continua cu nan specialisacion na entre otro, Merca. Dr. Arun Dubey, kende ta encarga cu Xavier University School of Medicine Aruba y Sr. Frank Croes miembro di directiva di e universidad a reuni cu Minister Endy Croes, mr. Andin Bikker, kende ta abogado y consehero di Gobierno di Aruba y Sra. Jessica Winterdaal Wetgevingsjurist Kwaliteitsinstituut Aruba.

Despues cu e studiantenan termina nan estudio na Aruba, nan ta continua cu nan specialisacion di 3, 5 of 7 aña na Merca.

Tin estado na Merca tin cierto rekisito legal, unda cu e studiantenan mester prueba cu nan a finalisa nan estudio na un universidad reconoci.

Xavier University School of Medicine Aruba ta un universidad reconoci y acredita pa ACCM.

A trata e aspectonan tecnico y legal con gobierno por sostene tanto Xavier University y tur otro universidad den e proceso aki pa asina cumpli cu tur rekisito na momento cu

e estudiante drenta Merca pa continua su estudio. “Un reunion fructifero, hopi tecnico y huridico. Nos ta mira e problema, analisa e problema y ta busca solucion concreto na bienestar di enseñansa. Nos trabou ta pa facilita y resolve.”. Minister Endy Croes a finalisa.



VACATURES

Land Aruba

- Juridisch beleidsmedewerker (Directie Scheepvaart)
- Hoofd Ondersteuning (Centraal Bureau voor de Statistiek)
- Junior/senior assistant-Accountant (Centrale Accountants Dienst)
- Accountant (Centrale Accountants Dienst)
- Controleleider (Centrale Accountants Dienst)
- Medewerker Informatisering/Automatisering (Griffie der Staten)

Aplica
awe

Bin forma
parti di e
desaroyo di
nos isla

Kijk voor meer informatie op onze website:
hrportaal.drh.gov.aw/vacatures

BUCUTI & TARA BEACH RESORT TA ORGUYOSAMENTE ANUNCIA LEO FINGAL COMO MIEMBRO GANADO DI SU PROGRAMA DI GYM



EAGLE BEACH, Aruba – 1 Aug, 2024 – Bucuti & Tara Beach Resort, Aruba, ta contento pa anuncia cu Leonardo “Leo” Fingal ta e ganado pa e di dos cuartal di e aña aki pa su compromiso na su metanan personal di bienestar pa medio di e programa di membresia di gym pa empleadonan di e resort. Fingal a demostra cu e no solamente ta traha duro cu orguyo na trabou, sino cu e ta traha duro - y ta kibra recordnan personal - na e gym tambe. E dedicacion di Fingal na su salud y bienestar ta inspira esnan rond di dje, marcando un biahe remarcabel di transformacion y desaroyo personal. E ta un ehempel tambe e compromiso di Bucuti & Tara na e Meta di Desaroyo Sostenibel di Nacionnan Uni (SDG) 3: Bon Salud y Bienestar.

Un beneficio pa empleado cu ta beneficia un bida largo

Danki na e membresia di gym ofrece pa Bucuti & Tara como parti di su paquete extenso di beneficiacion pa empleado, Fingal a atende Cuts & Curves un impresionante 70 biaha durante e periodo di tres luna. Loke a cuminsa mas como un inscripcion di grupo a cambia y a tuma un caminda inespera y mas personal y dedica pa Fingal. Mientras ela cuminsa su ejercicio nan, Fingal a cuminsa disfruta di e experiencia pasobra el a mira cambio positivo den su bida.

"Inicialmente mi a inscribi pa sigura cu nos tabatin un grupo suficiente grandi pa e compania por inscribi nos na Cuts & Curves," Fingal a comparti. "Sinembargo, ora mi a cuminsa train, mi a cuminsa disfruta esaki pasobra mi a mira cambio positivo den mi bida. Mi bariga a baha, mi ta come mas saludable, y mi ta consumi menos sucu y menos bebida alcoholico. Den solamente cuater luna, mi ta sinti menos stress, mas energetico y mas

activo."

Mas cu condicion fisico, e ta un estado mental tambe

E dedicacion di Fingal na su metanan di bienestar no solamente a transforma su salud fisico, pero tambe su bienestar mental. E ambiente anima, personal di guia profesional y facilidadnan limpi di Cuts & Curves ta converti esaki den un luga cu eta encanta bai cada dia.


"Loke ta mantene mi motiva ta cu tur esnan rond di mi ta nota e cambio positivo den mi curpa y con mi ta sinti menos stress," Fingal a bisa. "Na Cuts & Curves, e ambiente ta amistoso, y e facilidad ta semper limpi. Esaki ta un luga cu bo ta encanta bishita cada dia, y ta lagabo sinti mas positivo di bo mes y otro hende."

Wellness for guests, wellness for staff

Wellness joins Romance and Sustainability as cornerstones of the globally heralded Bucuti & Tara vacation experience provided to guests. The resort incorporates staff wellness within its core values as evidenced through extensive employee benefits. Bucuti & Tara is active in its commitment to the United Nations SDGs and this is an incredible example of SDG 3: Good Health and Well-being, whereby the resort is constantly researching and implementing the best initiatives that ensures healthy living for its staff. This includes providing gym memberships to employees who rise to the challenge of four gym workouts each week.

Bienestar pa huespednan, bienestar pa personal

Bienestar ta uni cu Romance y Sostenibilidad como e pilarnan di e experiencia di vakantie globalmente aclama di Bucuti & Tara cu ta wordo ofrece na huespednan. E resort ta incorpora bienestar di personal den su balornan principal como ta wordo demostra door di e beneficiacion extenso pa empleado. Bucuti & Tara ta activo den su compromiso na e SDGnan di Nacionnan Uni y esaki ta un ehempel increibel di SDG 3: Bon Salud y Bienestar, unda e resort ta



constantemente investiga y implementa e miho iniciativanan cu ta garantiza un bida saludable pa su personal. Esaki ta inclui ofreciendo membresia di gym na empleadonan cu ta tuma e reto di hasi ehercicio den gym cuater biaha pa siman, sponsorship pa teamnan corporativo pa diferente competencianan di coremento, futbol y mas.

"E storia di Fingal ta un testimonio di e impacto positivo cu un ambiente di apoyo y un compromiso na bienestar por tin riba bida di un individuo, tanto personal como profesionalmente," Ewald Biemans, Doño/CEO di Bucuti & Tara Beach Resort ta comparti. "Bucuti & Tara ta orguyoso di sostene e salud y bienestar di cada asociado di Bucuti mientras nos ta celebra e logronan increibel di Fingal.

E resort ta ofece su personal un paquete di beneficiacion completo cu ta inclui compensacion competitivo, entrenamiento y educacion continuo, plan di salud priva, un programa di asistencia pa empleado, 5-dia di trabou, tempo liber paga, un ambiente di trabou sigur, descuentonan na supermercado, cuminda saludabel, membresia di gym, asistencia pa mascota pa medio di Stimami Sterilisami, y mucho mas.

Minister Ursell Arends: INICIATIVA PA CAMBIO DEN ORARIO DI TRABOU NA ARUBA

E siman aki Minister Arends a lansa un iniciativa pa cambia orarionan di trabou na Aruba. Esaki pasobra Aruba no ta scapa di cambio climatico na nivel global. Ya caba Aruba ta wordo asota pa olanan di calor y den futuro esakinan lo bira mas frecuente, mas intenso y nan lo dura mas largo. “E calor insoportabel aki lo bira pio den futuro,” segun e minister. “Entre promenan cu ta wordo afecta directamente tur dia ta nos adultonan mayor y nos trahadonan cu ta labora pafo sin sombra y sin e privilegio di tin un aircó.”

Minister a indica cu nos leynan laboral a wordo traha den un otro decada. “Algun ta basa riba conceptonan di otro siglo y nan base ta modelonan economico anticua y cu no mas ta cuadra cu e tempo aki. Nos no por sigui traha cu leynan cu ta obliga trahadonan traha ora nan largo den solo y cu temperatura halto.

Cambio climatico ta crea condicionnan inhumano,” Minister Arends ta enfatisa.

Minister a sigui bisa cu den leynan laboral na Aruba mester reconoce y adapta na e cambio climatico. “Nunca ta demasiado laat pa acepta e realidad nobo di nos mundo y cuminsa trece cambio. Pero e prome paso ta reconoce cu mester bin un cambio. Ora Arubianonan ta di acuerdo cu otro y nos pone un meta comun nos dilanti lo tin nada pa stop nos. Nos mundo ta cambiando y nos mester adapta na esey,” segun minsiter Arends.

E siman aki Minister Arends a invita tur sindicato na Aruba pa un reunion y tambe a convoca diferente gremionan di sector priva pa cuminsa cu sondeo riba e tema di cambio na leynan laboral.

“Mi ta compronde cu tin modelo di negoshi cu semper a sali for di e punto



di bista di cierto leynan laboral cu ta permiti cu nan por exige trahadonan traha hasta ora e isla ta stobando. Pero esey no ta aceptabel mas. Den mi mes ministerio mi a cuminsa traha riba e cambionan caba. Ciertu diensien ta bay traha a base di piket, pa mehora condicionnan laboral.”

“Di parti di mi ministerio nos a pasa caba den e proceso di ricibi informacion riba e tema aki for di autoridad internacional y awor nos kier scucha di stakeholders local. Esaki mester ta un proceso participativo y

democratico. Un cos ta sigur, e leynan aki no por keda manera cu nan ta. Nos tur mester acepta y adapta na cambio climatico,” Minister Arends a remarca.

Recientemente Minister Arends a reunie e National Climate Resilience Council (NCRC), e autoridad na Aruba riba tereno di cambio climatico. E minister a pidi NCRC pa prepara y entrega prome cu dia 30 di augustus un ‘white paper’ den cual ta delinea e miho practicanan mundial pa loke ta adaptacion di leynan laboral pa efectonan di

cambio climatico. Tambe pa indicia den forma concreto kico ta pasonan cu Gobierno di Aruba por tuma riba tereno laboral den cuadro di adaptacion climatico.

Minister Arends a sigura cu unabes cu e tin e asina yama “decision-critical information” e lo pone e tema aki riba agenda di conseho di ministernan. E informacion recopilalo enfatisa e necesidad pa cambio y lo duna indicacion kico por wordo haci. Pero pa trece cambio lo rekeri participacion activo di diferente minister y ministerio.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



Minister Dangui Oduber

E VISION Y STRATEGIA TA MAS CALIDAD EN BES CANTIDAD

MINISTER DANGUI SU DESEO TA PA REDOBLA E CANTIDAD DI PASAHERONAN CU TA USA AEROPUERTO PRIVA – JET TNCA



Trahandu tur dia ariba eleva Aruba su turismo na un “high-end, low-impact model”, Minister di Turismo ta expresa cu su deseo ta pa redobla e cantidad di pasahero afluente cu ta yega via e aeropuerto priva di nos isla. E iniciativa aki tin como obhetivo pa target e mercado di biahe di luho cu ta hopi lucrativo, posicionando Aruba como un destinacion di primera clase pa bishitante exclusivo cu ta busca satisfaccion.

pa e bishitantenan exigente cu tin un ingreso considerabel y un gusta pa experiencianan di luho escohe Aruba como nan destinacion. Banda di esaki ya caba a haci un estudio pa desaroya un marina pa yatenan luhoso. Esaki ta un segmento nobo cu hopi potencial. Minister Dangui a traha un plan caba pa un desaroyo di un marina pariba di brug. Esaki sigur lo ta algo nobo y distinto cu lo trece turistanan afluente pa Aruba y focus mas riba calidad en bes di cantidad.

Enfoke riba e mercado di luho

Aruba ta reconoci pa su playa nan prestigioso, cultura vibrante, y hospitalidad amigabel. Nos ta wordo considera como un producto di calidad y sigur como un di e mihor destinacionan den caribe.

Awor, e isla ta pone su bista riba atrae un segmento nobo di bishitante—individuo y famianan afluente cu ta prefera comodidad y privacidad di e aviacion priva. Pa enfoka riba e mercado cu gran potencial aki, Minister di Turismo kier concentra na haci e aeropuerto priva uno mas atractivo di e region,

Impacto Economico

Minister Dangui a enfatisa cu e enfoque estrategico riba turistanan di luho lo tin un impacto positivo substancial riba e economia di Aruba. “Turistanan afluente tin un tendencia di gasta mas ariba acomodacion di primera clase, gastronomia exclusivo, excursionnan unico, y comercio di nivel halto,” Minister Dangui Oduber a bisa. “Pa dobla e cantidad di pasahero di luho, nos ta spera un aumento considerabel den ingreso pa Aruba.



Minister Dangui su vision ta di haci Aruba un destinacion di luho den Caribe. E vision ta crea un ambiente unda turistanan di luho por disfruta experiencianan sin

igual mientras cu ta contribui na e crecimiento sostenibel di Aruba su economia. E iniciativa aki ta un paso significant den realisacion di esey.

Clasificados

SOLODIPUEBLO@GMAIL.COM
CEL. 585 9500

Minister Ursell Arends:

TRES HUES TA APOYA MINISTER ARENDS DEN DEFENSA DI NATURALES

E corte mas halto den nos region ayera a publica un veredicto den cual husticia a sali na defensa di derechonan di naturalesa di nos isla. No menos cu tres hues imparcial di Gemeenschappelijk Hof van Justitie a dicta den forma contundente cu na Aruba tur hende mester aplica pa “ontheffing” cerca di Minister di Naturalesa prome cu nan por haci cualkier cambio na nos naturalesa.

Den su veredicto Hof a dicta den e caso di Natura Development NV nan mester aplica cerca Minister di Naturalesa pa un “ontheffing” prome cu nan por haci cualkier cambio na nos medio ambiente. No ta importa kende tin influencia politico of acceso na capital pasobra Corte a dicta cu ley ta conta pa un y tur. Den e caso aki e ta conta tambe pa Natura Development NV. Mescos cu tur otro hende, awo nan tambe mester pasa den e proceso pa pidi ontheffing.

Corte a laga ningun espacio pa duda y a dicta cu leynan traha pa proteha nos naturalesa ta conta pa tur hende y instancia. Tambe pa Natura Development NV kendenan a pretende di tin cierto inmunidad contra nos leynan y a opone contra pidi ontheffing y a insisti cu esaki no ta conta pa nan.

Pa Minister Arends e veredicto aki ta un logro mas pasobra Gemeenschappelijke Hof a confirma cu nan tambe ta para na banda di naturalesa. “Esaki ta señal significativo cu nos ta avansando. Esaki ta un paso mas den e direccion corecto. Husticia na banda di naturalesa y ta momento pa tur hende cuminsa acepta cu nos naturalesa tin derecho,” segun Minister Arends a bisa. “Semper nos a muestra di ta dispuesto pa papia cu Natura Development NV riba nan necesidad pa tin un beach. Naturalesa no ta bringa contra desaroyo economico. Pero naturalesa ta pidi pa desaroyo economico bay na un forma responsabel. Tur hende mester por compronde cu na Aruba nos tin ley y cu nos no ta duna privilegio pa ningun hende. Ley ta conta pa tur. Y tur hende ta bon bini pa aplica pa un ontheffing y nos lo atende cu nan mescos cu nos ta atende cu tur otro.”



Pa e minister e veredicto aki ta un desicion historico pasobra husticia ta reconoce na un forma cla y raspa cu naturalesa tin derecho y cu leynan di proteccion di naturalesa mester wordo respeta. Corte ta bisa den palabra cla cu ningun hende por mishi cu nos naturalesa sin pidi ontheffing prome. “Esnan cu scohe pa no respeta e principio aki lo mester biba cu e consecuencia,” segun Minister Arends a reacciona. “Na Aruba nos no ta traha cu shortcut ni cuanto influencia bo por tin, pasobra aki ley ta pa un y tur”.

Den e caso di Embassy Suites a sosode cu Minister Arends personalmente a presenta na beach na momento cu contratista tabata trahando sin permiso. Sin cu a pidi “ontheffing” nan a cuminsa destrui naturalesa pa crea un beach artificial. Na e momento ey e minister a pidi apoyo di departamento di naturalesa DNM y hunto nan a logra para e destruccion di locual hues den su veredicto a yama “balornan” di naturalesa. Esaki no a cay den bon tera y e asunto a termina den corte. Ayera corte a dicta su sentencia y esaki a resulta na favor di e minister.

“Nos causa ta ganando tereno. E no ta facil

pasobra no ta tur hende ta respeta naturalesa. Naturalesa no tin un bos pa defende su mes. Pero cu cada paso chikito nos ta bay dilanti y e momentum ta di nos banda y naturalesa ta ganando,” segun Minister Arends a bisa, enfatizando cu esnan cu ta defende naturalesa ta di na e banda corecto di historia di humanidad. “Mi sa caba kico ta bay pasa awo. Nan ta bay purba kibra e sistema di ontheffing. Nos a gana un bataya pero e guerra lo sigui. Na final naturalesa lo vence pero nos ta consciente cu nos no ta eynan ainda”.

Clasificados

SOLODIPUEBLO@GMAIL.COM
CEL. 585 9500

SHETE FORMA DI GASLIGHTING CU SEGURAMENTE BO A IGNORA

Gaslighting ta haci un persona cuminsa duda di su mes, di su percepcionnan, emocionnan y sentimentonan. Asina e ta bira vulnerabel na abuso i manipulacion. Nos ta muestra bo con pa identifi'e mesora cu e sosode.

Nos relacionnan cu otro hende mester ta luganan sigur, agradabel y ta enriquece. Desafortunadamente, abuso ta mas presente cu nos por imagina. Ora ta basa riba agresion of comportacionnan visibel, ta mas facil pa e victima y su sernan cerca identifica kico ta sosode. Sinembargo, kico ta sosode ora violencia ta tuma luga na un nivel sutil y confuso? con pa identifica gaslighting?

Den e ultimo añanan a bin un avance grandi na nivel social ora di expone y condena abuso emocional. Asina mas y mas hende ta logra identifica ki ora nan ta sufriendo y ta dicidi di pidi yudansa.

Sinembargo, gaslighting no semper ta ser identifica como tal. E ta cu su dinamica ta basa, precisamente, riba confundi e victima y kit'e di su capacidad pa confia den su mes.

Kisas bo a tende e termino aki prome of esaki ta bo prome contacto cu ne. Den

tur caso, nos ke splica bo algun di su manifestacionnan mas comun, pero mas dificil pa detecta, pa bo por actua si bo sufri di dje na un momento.

Kico ta gaslighting? Gaslighting ta un tipo di abuso psicologico of emocional cu ta consisti di confundi e victima y hiba e na duda di su mes, di su percepcion, di su memoria y hasta di su bon voluntad. E termino ta bini di e obra teatral di 1938 y e despues pelicula di 1944 cu ta carga e mesun nomber.

Den e pelicula e protagonista ta logra isola y destabilisa su casa mentalmente manipulando e iluminacion y zonidonan den su cas. Despues e ta nenga cu e fenomenonan aki ta sosode. Asina e ta cuminsa kere cu e ta perde su sentido comun.

Di manera similar, esunnan cu ta sufri di gaslighting ta termina desconectando di nan mes, di nan intuicion y instinto. Nan ta cuminsa duda di nan propio rasomamento y ta termina bou di control y manipulacion di e agresor.

E fenomeno aki por tuma luga den relacionnan di tur sorto, aunke ta resulta specialmente dañino ora e ta produci den relacionnan emocional estrecho. Por ehempel, esunnan cu ta



mantene pareha of mayor nan cu nan yiu.

E nivelnan den cua e abuso aki ta aplica por varia y su manifestacionnan ta varia for di loke ta mas visibel te na loke ta mas sutil. Asina, bo por conoce algun di su caracteristicanan principal, manera e echo cu e abusado ta acusa e victima di ta loco of di ta mucho sensitivo, of cu e ta gaña hasta den presencia di prueba. Sinembargo, nos ke papia di otro tipo di situacionnan relaciona cu kisas bo a pasa aden.

Algun forma di gaslighting cu bo por a ignora Gaslighting ta tuma luga gradualmente i progresivamente, di manera cu esun cu cuminsa sufri di dje no ta realisa loke ta pasando. Ademá, algun di nan man-

ifestacionnan por wordo confundi cu loke ta sosode hopi biaha den hopi relacion di pareha.

1. Proyeccion

Bo a yega di sinti cu bo pareha ta pone den bo sentimentonan, pensamentonan of accionnan cu no ta di bo? Ademá, bo ta mira cu bo ta pasa dor di e fayó, e falta y e mal actitudnan cu realmente ta pertenece na dje? Esaki ta loke ta yama proyeccion y ta un di e mecanismo envolvi den abuso emocional.

E persona infiel ta acusa su pareha constantemente di gañ'e; e persona controlado ta pleita cu e otro pa su control; y esun cu ta abusivo y toxico ta convence su compañero cu en realidad ta e ta esun cu tin actitudnan malo pa e relacion.

E ta zona? cu esaki, e persona ta logra kita e responsabilidad di su actonan y desvia tension for di su mes, ya cu e pareha mester enfoca su energianan den defende nan mes for di e atakenan cu e ta ricibi.

Proyeccion na gaslighting.

E proyeccion ta deriva den e otro culpa propio, pa corta atencion di e foco real.

2. Isolacion

Pa algun hende ta natural pa kita of negligisha nan amigonan y famia ora nan tin pareha. Aunke esaki ta dañino den tur caso, ora e ta motiva pa e intencionnan scondi di e otro e ta sigur un bandera cora (mal señal) di gaslighting.

Si bo pareha purba di convence bo cu bo sernan cercano no ta stima bo, no preocupa pa bo, gaña bo of no tene bo na consideracion, tene cuidado! Asina e ta logra haci bo desconfia di tur hende, ta priva bo di otro relacionnan social y ta hiba bo na un relacion di dependencia den cual bo tin solamente e. Sin sosten externo, bo ta hopi mas exponi y vulnerabel na abuso cronico.

3. Destruccion di identidad

Bo a bandona bo tendencia y gustonan for di tempo cu bo ta den un relacion? Bo opinionnan, bo estilo of bo prioridadnan a cambia? Kisas bo ta kere cu esaki ta un proceso natural y necesario pa un pareha funciona, pero den realidad ta un trampa berdadero.

Esun cu ta aplica gaslighting ta convence su victima

ONDERCURATELESTELLING

Krachtens beschikking van 17 april 2024, behorend bij zaak nummer: AUA202400240EJ van het Gerecht in Eerste Aanleg van Aruba, is OLIVIA HERNANDEZ, geboren op 5 maart 1942 in Aruba, onder curatele gesteld en benoemt over de onder curatele gestelde tot curatrice haar dochter, Mariela Maria Altagracia DE CUBA, geboren op 31 maart 1981 in Aruba, beiden wonende op Aruba;

De deurwaarder B.R. Roos

CONTINUA PAG 11



CONTINUACION PAG 10

progresivamente cu tur loke e ta kere, sinti, dicidi of gusta ta inadecua. Asina, e ta destrui e identidad di e otro persona, lagando e persona incapaz pa dicidi y pensa pa su mes.

4. Ausencia di rasonamento y dialogo
Desacuerdo ta normal den cualkier conexcion humano, pero cu suerte, dialogo y negociacion ta yuda nos yega na un territorio comun. Ora bo ta den un dinamica di violencia emocional, combersacionnan afirmativo y racional ta briya pa bo ausencia.

Un miembro di e pareha ta nenga di scucha e peticionnan i sentimentonan di e otro of ta ofrece contes-tanan confuso cu ta desvia di e topico.

No ta importa con solido bo argumentonan ta of con rasonabel e demandanan ta, e otro persona lo logra cambia e situacion, ta nenga bo sentimentonan y lo sigui cu e mesun dinamica. No lo tin reflexion, cambio ni reconocimiento di culpa.

5. Busca aliadonan
Ta comun cu den un discusion di pareha tur dos miembro ta deshaci di un persona confiabel, ta expone nan situacion y ta

busca conseho. Sinembargo, esun cu ta practica gaslighting ta purba convence e ambiente cu su pareha ta loco of ta iracional.

Asina e ta logra cu e otro personanan ta rechasa e kehonan of e peticionnan di yudansa di e victima. Adem- as, e ta aumenta e sensa- cion di e muhe cu e a perde su bon voluntad.

Despues di tur cos, si niun hende no ta parce di mira con dañino of inhusto nan situacion ta, si tur hende ta parce di ta alineado cu e ver- sion di nan pareha, kisas ta e ta realmente esun cu tin un precision robes.

6. Culpabilidad
Bo pareha ta haci bo re- sponsabel pa tur discusion y conflicto? E ta indica bo como e culpabel di tur su mal actitudnan y compor- tacionnan? Esaki ta un din- amica peligroso, ya cu e ta pone bo den un posicion di impotencia y sin defensa.

Si bo compañero maltrata bo, falta respet of dañu bo di un manera of otro, bo no solamente no por reclama, pero tambe bo mester asu- mi cu bo a causa cu esaki a sosode. Sea kico cu pasa, bo ta responsabel. Si bo ta ha- ciendo cu esun cu ta stima bo asina tanto ta comporta su mes asina malo, real- mente mester tin fayogran- di den bo.

Si bo tin e tendencia di yega na e tipo di conclusion aki, pidi yudansa. Natural- mente, bo ta bira victima di abuso emocional i e situa- cion aki por ta hopi pelig- roso. Semper corda cu ta bo mes so ta responsabel pa bo actonan.

7. Anulacion di persona
E destino final di un rela- cion den cual gaslighting ta tuma luga ta e anulacion di e persona cu ta sufri di dje. E maltrato psicologico, e confusion, e atake y e falta di claridad ta termina na agota su instinto di preser- vacion y lucha.

Finalmente, e ta entrega su mes na manipulacion, perde confiansa den su mes y termina creyendo e ver- sion y palabra di e abusado. Ora e duda ta asina grandi, ora e imagen di bo mes no ta stabiel mas, e unico solu- cion ta parce di ta resigna y ta cay den cansancio ex- tremo.

Un muhe cu tiki autoestima pa gaslighting.

E meta final di e abuso emocional aki ta caba cu e personalidad, cu un autoes- tima abou cu ta hopi pelig- roso.

E manera cu bo ta sinti ta yuda bo identifica gaslight- ing

SHETE FORMA DI GASLIGHTING CU SEGURAMENTE BO A IGNORA

Si bo enfoca riba identifica abuso di bo pareha, bo por cay den confusion, duda y excuus cu ta sostene tur e tipo di dinamicanan aki. P'esey, si bo ke sa si bo ta sufriendo di gaslighting, puntra bo mes con bo ta sinti.

Si bo contesta na e pregun- tanan anterior ta afirma- tivo, ta hopi probabel cu bo a sufri abuso psicologico. Den e caso aki, ta impor- tante pa bo busca yudansa den bo ambiente cerca i den profesionalnan cu ta cuali- fica.

Hopi biaha bo ta duda di bo mes? Bo ta kere cu bo no por confia bo percepcionnan, instinto of emocionnan? Bo a asumi cu bo ta mucho emocional of mucho exag- era? Bo a perde e conexcion cu ken bo tabata, cu ken bo ta stima y cu kico bo tabata stima haci?

E secuela di gaslighting ta afecta identidad, autoes- tima y confiansa. Nan ta rekeri un proceso completo pa nan cura. Sinembargo, esaki ta e caminda pa liber- acion y reconexion cu e par- ti esencial di bo cu abuso a haci bo perde.

ORACION DI DIA

Feliz dia bendiciona y cu Dios su man santo ta riba cada un di nos

Den e tempo ey Hesus a bisa: "Tata, Señor di shelo y di tera! Mi ta gradici Bo cu Bo a duna esnan simpel conocimiento di e cosnan cu Bo a sconde pa esnan sabi y inteligente." Mateo 11,25

Ta trata di e reino cu Dios mes a funda y esnan simpel na kende e cosnan aki a keda revela. Hesus ta expresa na un manera indirecto cu E tin un caso unico cu Dios su Tata, p'esey nos ta proclama Dios su sabiduria secreto prome cu mundo a cuminsa. El a traha e plan pa nos tuma parti na su gloria pero e plan ey a keda scondi; ningun di e podernan cu ta domina e mundo aki no tabatin conocimiento di e plan ey.

Si nan tabata conoc'E nan lo no a crucifica nos Señor di gloria. Pero manera Santa Escritura ta bisa: loke ningun hende no a yega di mira, ni ningun hende no a yega di tende, pues ni ningun hende no por imagina nan, esey Dios a prepara pa esnan cu ta stim'E. Ma nos si Dios a laga conoce su plan secreto pa medio di su Spirito Santo. (1 Cor. 2, 7-10)

Dios a laga nos conoce su proposito scondi di acuerdo cu su voluntad, e proposito cu El a dicidi di antemano pa realisa pa medio di Cristo.

Oracion: Dios bondadoso, Abo cu ta scrudiña curason- nan, yuda nos lucha cu nos cruz cu no ta facil, pero cu Cristo nos por tur cos. E so por duna nos e forza sobre- natural pa enfrenta e lucha aki na tera. Amen.

Durante conferencia di prensa Minister Maduro di Finansa a anuncia cu:

REPARATETOESLAG PA PENSIONADONAN TA BIRA 200 FLORIN PA LUNA



Diaranson mainta durante conferencia di prensa Minister Maduro di Finansa a anuncia cu e Reparati-toeslag pa Pensionado ta subi cu 30 florin y ta bira 200 florin desde augustus 2024.

E mandatario a splica cu durante e Cambio di Pre-supuesto 2024 a indica cu Gobierno lo pone suma disponibel pa asina por subi e Reparati-toeslag di Pensionado y Trahadornan, pero a keda pendiente pa haci e calculonan necesario pa stipula con hopi por subi e ayudo aki cu Gobierno ta brinda na pensionadonan cu ta ricibi AOV y AWW y tambe na

trahadornan cu ta gana un salario mas abou cu 2500 florin pa luna.

Pa locual ta trata e pensio-nadonan, Minister Mad-uro a informa cu tin un aumento di 30 florin riba e 170 florin di Reparati-toeslag desde augustus 2024.

Esaki kiermeen cu tur pensionado di SVB lo cobra e suma di 200 florin na Reparati-toeslag ora e pago di pensioen pasa riba dia 31 di juli 2024. Segun SVB a informa, un total di 19.548 pensionado di AOV y 1.336 pensionado di AWW ta cobra e 200 florin.

Minister Maduro a indica cu e Reparati-toeslag pa trahadornan cu ta gana menos cu 2500 florin pa luna ta subi cu 50 florin y ta bira 175 florin desde augustus 2024.

Pa cu esaki e mandatario a informa cu den e dianan nos dilanti e tabel di De-partamento di Impuesto lo keda publica pa oficialisa e subida aki.



Santo Sacraficio di misa na Centro Curason di Maria (Blue Army Center) Tambe na Alto Vista

Diasabra mainta ta cuminsa resa Santo Rosario pa 6.15.

Pa 7 or di mainta, Santa Misa ta cuminsa na Kapel di Alto Vista.

Den Kapel ‘Cas Curason di Maria pa 7 or am na San Nicolas. (Blue Army Center)

Prome cu Santo Misa ta resa Santo Rosario pa 6.15 “Misterio Gososo”, despues ta sigi cu Salve Regina.Ta invita tur deboto y fielnan di Mama Maria pa asisti na e Santa Rosario prome cu Santa Misa. E ta entercede pa nos na nos Tata Celestial. Tur fielnan di Mama Maria ta bin resa e Santo Rosario pa bienestar di henter comunidad di Aruba

Papa Francisco, Obispo Luis Secco, tur sacerdote, Diacono y laiconan cu ta hiba e bon noticia pa e pueblo di Dios. Pa nos Gobernantenan y tur cu ta carga responsabilidad pa nos pais Aruba. Pa enfermonan den exterior cu a bay busca nan salud. Pronto lo regresa na Aruba pa sigi gosa di un bon salud dentro di su famia.

Luna di october ta dedica na Mama Maria. Enberdad ta luna di flor. Ban canta Luna di october, ban pidi Jesus yuda nos den nos necesiadnan. Ban hinca rudia busca refugio na nos Mama Celestial. E ta guia nos riba e Caminda cu Dios ta, ey mi kier biba. Cu Mama Maria den nos curason, nos Mama stima, compana nos den e caminda di Señor.

Ban hunto resa pa nos hogar y nos isla Aruba y henter mundo, pa tin pas y comprension un pa otro. Den nos oracionnan resa pa Oekrania y Rusia cu nan por yega na e pas desea.

Accidente na Noord a laga 2 persona herida atras



Noord - Diaranson anochi pasa di 9'or a sosode un accidente altura di e banco na Noord. Den e accidente dos persona a resulta herida.

Polis cu a yega a haya e dos vehiculonan involvi, tawata trata di un Nissan Versa

y un Kia Sportage.

Ambos chauffeur tawata herida, uno cu golpi na cabes y e otro un cabayero di edad cu sla na pecho. Ambulance ya tawata na caminda.

Na e sitio nos por a compro-

nde cu e Versa color cora a subi caminda y no a duna e Kia Sportage cu tawata bayendo pariba preferencia.

Dos ambulance a presenta, unda cu ambos a bay Hospital pa ricibi un check up mas avansa.



Gratis Back to School Haircuts!

San Nicolas: 4 augustus
Dakota: 11 augustus

Registracion:
29, 30 y 31 di juli
entre 9am-4pm
Tel. 582 2219

EDAD 4-12

**Pa muchanan cu no tin
posibilidad di corta
cabey y paga!**



Prome Minister Evelyn Wever-Croes:

DESARROYO POSITIVO DI ARUBA

Aruba ta den pleno recuperacion y awor cu a crea espacio financiero por duna alivio na e pueblo



otro riba su maneho financiero.

Aruba ta den desaroyo. Turismo, Economia y Finanzas Publico di Aruba ta bayendo bon. Desempleo y inflacion a baha.

Tambe recientemente Minister di Finansa, Xiomara Maduro a duna un anuncio importante cu un biaha mas ta bay aumenta e entrada di e pensionadonan. Y otro logro grandi y importante ta cu manera cu a priminti, siman pasa empleadonan publico a haya e prome parti di e aumento di entrada door di indexering.

Tur e echonnan aki ta indica cu Aruba ta den pleno recuperacion, y cu awor cu a crea espacio financiero por duna alivio na e pueblo.



ARUBA TA DEN DESAROYO



GABINETE WEVER-CROES TIN E CURASHI PA HACI LOKE MESTER PA CREA CONFIANSA Y STABILIDAD PA CREA OPORTUNIDADNAN DI PROGRESO Y PROSPERIDAD PA TUR CIUDADANO DI NOS PAIS.

SALUBRIDAD

INVERSIONNAN CUIDO MEDICO 2024

- 5.1 MIYON PA HOSPITAL
- 4.1 MIYON PA IMSAN
- 1.8 MIYON PA STICHTING BOB
- 1 MIYON PA RESPALDO
- 1.5 MIYON PA REENFORSA E PROME LIÑA DI CUIDO

ORANJESTAD – Prome Minister Evelyn Wever-Croes, na clausura di e Conferencia di Prensa di Gobierno di Aruba dia 31 di juli, a enfatisa riba e resultadonan positivo di Gabinete Wever Croes II durante e ultimo 3 añanan di gobernacion.

Bon maneho financiero
Cu determinacion, Gobierno di Aruba a traha pa trece bek finansas di Aruba riba

e rumbo di progreso. Y awo Aruba ta mirando resultado di e bon maneho financiero di Gabinete Wever-Croes.

Y tambe, esaki a wordo comproba pa varios instituto financiero internacional: Fondo Monetario Internacional (IMF); Fitch Ratings; instituto Economisch Bureau Amsterdam (EBA); y recien tambe pa Banco Central di Aruba. Aruba a ricibi bon noticia tras di

“Tres aña pasa e pueblo di Aruba a duna nos e confianza pa saca Aruba for di e crisis y nos a cumpli.

E pueblo a duna nos e confianza pa nos stabilisa nos pais despues di e crisis di Covid19 y nos a haci’e.

E pueblo di Aruba a pidi nos pa traha riba e progreso di nos pais despues di a stabilisa e pais, y nos a cumpli y a crea progreso. Awor nos ta percurando pa e progreso aki wordo traduci den prosperidad den cada hogar di Aruba, den cada cartera di nos ciudadanonan. Esey ta nos meta principal awor.

Nos a priminti y nos ta cumpliendo. Nos no a realisa tur e metanan ainda pero nos ta logrando si”, Prome Minister a expresa.

Buskeda pa un canasta di Lionfish

Santa Rosa involucra y ta pidi ayudo di comunidad



Desde 2009 cu e prome Lionfish invasivo a keda registra den nos awanan, Departamento di Agricultura, Cria y Pesca, conoci como Santa Rosa, a keda vigila e potencial peligro invasivo aki y investiga si por converti esaki den un pesca sostenibel cu por aporta na nos economia y seguridad di provee alimento propio fresco y saludabel. Asina por menciona cu a tuma lugar varios torneo di Lionfish, actividad culinario, investigacion cientifico y mucho mas pa tanto tanta e conocimiento den nos comunidad como tambe colecta informacion practico cu por ser aplica na Aruba.

Lionfish traps of canasta:

Recientemente Santa Rosa a keda acerca pa sr. Patrick van Brakel, conoci pa su tantisimo videonan educativo di Lionfishhunter Aruba, como e Lionfish Snack Aruba, pa por duna un asistencia na su persona y un estudio cu el a inicia riba propio iniciativa y forsa. Sr. van Brakel a bin ta experimenta cu varios "Lionfish traps" of canasta pa Lionfish. Su ultimo intento a ser poni algun siman atras, pa mala suerte prome cu pasada di e tormenta Beryl y awor e canasta aki, cu ta contene un luz y un camera, ta perdi. Despues di varios intento envano di buskeda y recuperacion awor ta haci un yamada mas amplio pa ayudo.

Santa Rosa ta yuda: Santa Rosa mesora a compromete pa yuda sr. van Brakel pa recupera e artefactonan y tambe sigui yuda cu e investigacion riba lionfish. E canasta ta un diseño cu a bin ta desaroya conhuntamente cu investigadornan na Bermuda y ta

basa riba e diseño di lobster traps di e area ey. E canasta ta un bari adapta pa laga Lionfish drenta pero dificil pa nan sali. E tin of tabata tin un boei y un anker na dje. Manera menciona caba, e tabata tin tambe un luz y un camera instala.

Ta pidi piscado y buceado yudansa: Ta pidi cooperacion di tur piscado, buceado y esnan cu ta bay lama regularmente, particularmente den area di palm beach, pa si por a nota esaki of calke cos, pa por fabor comunica cu sr. van Brakel of na seccion di pesca di Santa Rosa of na Centro di Pesca Hadicurari. Lo ta altamente aprecia calke informacion cu por yuda na recupera e artefactonan menciona. Investigacion valioso: Santa Rosa lo sigui conhuntamente cu demas instancia y organisacionnan relevante y interesa pa colecta y distribui informacion. Te ainda e manera mas eficaz pa controla Lionfish invasivo ta pa tira












esaki cu un tipo di harpun. Hopi biaha ta usa e slingshot of polespear pa e tarea aki. E limitacion pa e metodo di sambuya y tira Lionfish ta cu ta unicamente unda hende por yega y sambuya, lo por controla Lionfish invasivo. E idea pa considera canasta pa Lionfish ta cu usando canasta











posiblemente por yega na lama mas hundo cu hende por duik y posiblemente ta un metodo di pesca economicamente viable. Rond mundo ta unicamente algun lugar ta purbando cu e metodo aki y pa cual motibo lo ta sumamente balioso e resultadonan di e investigacion aki.

SUDOKU

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

		8		3		5	4	
3			4		7	9		
4	1				8			2
	4	3	5		2		6	
5								8
	6		3		9	4	1	
1			8				2	7
		5	6		3			4
	2	9		7		8		

Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 01 Augustus 2024 Merdia		
		Joker Letter
Sorteo # 4344	Sorteo #	Proximo Jackpot
6478	0 x Jackpot	150.000,-
3095	0 x Match 4+	
8715	0 x Match 4	
		
		
Sorteo # 4344	Sorteo #	Proximo Jackpot
5675	0 x Jackpot	90.000,-
	0 x Match 4	
	0 x Afl. 12.00	
Sorteo # 2400		
4413		
		
Sorteo # 4344		
4306		
Gemini		
		
Sorteo # 1218		
992		
		

Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 31 July 2024 Anochi		
		04-11-13-17-23
Sorteo # 8308	Sorteo # 2514	Joker 07 Letter 1
4360	0 x Jackpot	Proximo Jackpot
8880	0 x Match 4+	150.000,-
3084	0 x Match 4	
		05-13-20-21-22
		
Sorteo # 7352	Sorteo # 5549	Proximo Jackpot
8778	0 x Jackpot	90.000,-
	0 x Match 4	
	11 x Match 4	
Sorteo # 2057	197 x Afl. 8.00	
1986		
		
Sorteo # 6111		
8526		
Leo		
		
Sorteo # 1041		
337		
		

Prome Minister Evelyn Wever-Croes:

Eleccion di Aruba na 2021 no tawatin duda riba e resultado

NO POR COMPARA RESULTADO DI ELECCION DI ARUBA NA 2021 CU RESULTADO DI ELECCION ULTIMO NA VENEZUELA

Resultado di eleccion na Venezuela no ta transparente



ORANJESTAD – Diaranson mainta, 31 di juli, durante Conferencia di Prensa di Gobierno di Aruba, Prome Minister Evelyn Wever-Croes a contesta diferente pregunta di miembronan di prensa riba e topico di Venezuela. Un pregunta, cu por cierto tawata straño y nada logico

y sigur no por wordo tuma mucho na serio, ta e pregunta di cierto miembro di prensa comparando transparencia di resultadonan di eleccion di Aruba na aña 2021 y e falta di transparencia di e resultadonan di eleccion na Venezuela dia-domingo ultimo.

Prome Minister durante e conferencia di prensa a reitera cu Gobierno di Aruba ta uni su mes na Comunidad Internacional cu ta haci un apelacion pa transparencia completo den e proceso di eleccion y den e maneho di e resultado na Venezuela.

E miembro di prensa en cuestion, a remarca cu despues cu resultado di eleccion a drenta na 2021, tawata tin yamadanan di partidonan den oposicion pa tin mas transparencia den e resultadonan y un recuento di voto pa motibo cu nan no a keda contento cu e pueblo no a vota na nan favor. Sinembargo, e miembro di prensa en cuestion ta bisa cu e tempo ey no a honra e peticion aki di partidonan di oposicion y ta haci e pregunta na Prome Minister si no ta algo di doble moral cu awor aki si, Gobierno ta existi na Venezuela pa tin transparen-

cia pero aki na Aruba mes tawatin cierto duda riba e resultado.

Prome Minister: “Bo ta comparando eleccion di Aruba di 2021 cu eleccion di Venezuela di 2024, Marco? Mi ta kere bo mester ta mas serio cu esey si”.

Prome Minister a contesta enfaticamente cu eleccion di Aruba na 2021 no tawatin duda riba e resultado mientras cu e resultado di eleccion na Venezuela no ta transparente. Na Aruba tawatin algun urna cu algun candidato a indica cu nan no ta wak famianan cu a vota pa nan den e resultado. Prome Minister a remarca cu esakinan ta cosnan cu e ta tende desde e tempo cu e ta mucha na unda cu politiconan ta bisa cu nan famia a vota pa nan na cierto urna pero ta haya cero voto na e urna ey.

“Esaki no ta un motibo pa

bo bisa cu Aruba su resultado di eleccion ta di tal indole cu mester duda manera den e caso di Venezuela. No por compara resultado di eleccion di Aruba cu Venezuela. Mi no ta kere cu bo por ta serio ni niun hende na Aruba cu por pensa pa compara eleccion na Venezuela cu Aruba, por ta serio den e ponencia ey”, Prome Minister a enfatisa.

Prome Minister a recorda e miembro di prensa cu despues di eleccion 2021 na Aruba, esnan cu tawatin duda a bay corte. Y corte a bisa cu e resultado tawata estableci.

E procedura di e conteo y publicacion di voto y despues e destruccion di e boletonan tur a bay segun ley y segun hues a bisa a bay correcto. “Pues, den tur humildad bo no por compara nos eleccion di 2021 cu eleccion di Venezuela di 2024”, Prome Minister a bisa.

Gradicimento y Invitacion



Khloë Alexandra Heronimo
Cariñosamente yama: “Koko”

Na number di famianan nos kier a gradisi cada persona cu a tuma nan tempo pa a bin dispidi di nos ser stima, un danki di curason.

Danki na esunan cu a bin di exterior pa ta presente na su entierro y tur orado.

Danki na un y tur cu a manda carchi, areglo floral, whatsapp y yamada telefonico.

Famia henter kier a invita boso na e santo sacrificio di misa cual lo tuma lugar riba e dianan diahuebs 1, diasabra 3 y diamars 6 di augustus pa 7or na misa inmaculada concepcion na Santa Cruz.

Dia 6 di augustus tin un rosario na cas; Bacobastraat # 6, despues di ultimo misa.



**OLIVE TREE'S
PRE-PAID
FUNERAL PLAN**

PAY AS YOU CAN

Piedraplat ☎ 582 0000
Sanicolaas ☎ 584 8888 | 5820000
Habri dialuna pa diabierna | 8:00am-4:00pm

Olive Tree Social Department ☎ (+297) 743 7411
www.olivetreefuneralhome.com